

O infektivnim bolestima

Rudolf Steiner u različitim predavanjima (npr. 11.3.1905, 2.6.1906, 29.5.1907...) daje ezoterna tumačenja infektivnih bolesti.

Tako, govori o epidemiji kuge u srednjem vijeku u Evropi nakon napada Huna i Mongola, koja je nastala zbog užasa i straha u dušama ljudi unutar zidina opsjednutih gradova... (Ovdje objašnjava ono što niko do sada iz tzv. nauke nije objasnio: zašto su se divlji mongolski ratnici odjedanput, iznenada, bez ikakvog vidljivog razloga povlačili i prekidalali opsadu grada... On kaže da je to zbog toga što su unutar zidina živjele snažne ličnosti, sa silnom hrišćanskom snagom ljubavi u sebi (među njima često žene, poznate svetice), čije je svjetlo zračilo tako snažno da demoni koji su opsjedali duše ovih turanskih (zaostalih sa Atlantide) ratnika tu snagu nisu mogli izdržati).

Također, govori o raširenim bolestima u 19. st. (tuberkuloza), čiji je uzrok mržnja u dušama pripadnika donje klase (proleterijata), te nedostatak razumijevanja i sebičnost kod pripadnika viših klasa (buržoazije).

Rudolf Steiner podvlači, da treba razlikovati materijalni (fizički) uzrok od duhovnog uzroka.

U predavanju od 9.5.1907. govori o duhovnom značenju invazije Huna na Evropu. Oni su bili posljednjim ostatak naroda sa stare Atlantide. Njihov je ondašnji razvoj bio u dubokoj dekadenciji, koja se izražavala u izvjesnim procesima raspadanja astralnog i eterskog tijela. Produkti ovih raspadanja izražavali su se u strahu i užasu pred ovim hordama; a kroz ove emocije oni su se učvršćivali u astralnim tijelima ljudi, kasnije se prenoseći na fizička tijela kasnijih generacija. Koža je upijala ono učvršćeno u astralnom tijelu, a posljedica je bila kuga (lepra).

Kaže, isto tako, da "okultno istraživanje pokazuje da čitavi narodi stoje pod utjecajem svojih predaka".

U predavanju od 3.11.1905. kaže (parafraziram), da porijeklo infektivnih bolesti dolazi od supstance koja nastaje nakon astralnog truljenja, koja dalje djeluje posredstvom bacila u fizičkom svijetu...

U predavanju od 28.8.1906. kaže, da se dispozicija ka infektivnim bolestima može pratiti sve do u prošle živote ljudi koji su bili izrazito egoistični, razvili u sebi strast za stjecanjem materijalnog.

U predavanju od 20.10.1918. kaže, da se mora obratiti pažnja na niz historijskih simptoma, ali i na kosmički ritam, iza pojave određenih epidemija.

U predavanju od 28.1.1923. kaže, da elektricitet u čovekovom tijelu apsorbuje nemoral... dok prirodna svjetlost apsorbuje ono moralno. (Ovo može biti u vezi sa sve većom upotrebom binarne, digitalne, tehnologije: pametnih telefona, Wi-Fi, aplikacija kakva je Bluetooth, 5G zračenju itd., čija djelovanja slabe čovjekov imunitet (JA) čineći organizam bolesnim, prijemčivim za bacile, viruse...)

U predavanju od 27.12.1922. kaže, da infekcija (duhovno sagledano) jeste utjecaj bolesne osobe, njenog astralnog tijela, na drugu osobu, kao kada slušalac nečujno ponavlja sve što mu drugi govori. (Znači, da se infekcija pogađa nedovoljno individualizovanog čovjeka, tj. onoga koji nema snažno JA, već je preko svoje etersko-astralne organizacije još snažno učlanjen u kolektivno: porodicu, narod, rasu.)

Predavanje od 24.12.1904: "Ako ljudi ne rade na poboljšanju svoga morala (nesebičnost!), posljedica će biti najbrutalnija zbivanja među ljudima... kao što se katastrofa dogodila Atlantidanima".

Predavanje od 4.9.1906: "Astralno tijelo najbolje štitimo od loših utjecaja tako što smo čisti i iskreni (istiniti). Voljnom koncentracijom možemo obrazovati i astralni, zaštitni, omotač, plave boje... ' sve moje dobre osobine okružuju me kao neprobojni oklop".